

# Trottinett

## Potential

mim Fahrlehrer hani gseit  
i ha mir's überleit  
chumm mäld mi aa, mäld mi aa, i bi bereit

ha de falsch Gang inegleit  
fasch de Charre zämeleit  
d'Prüefig isch, d'Prüefig isch abverheit

*und i säge*

**i fange nomal aa - ganz vo vore**  
**so wotti's nid so lo stoh - s'isch nüt verlore**  
**i bi so genial und i ha doch so viel Po-Potential**

bi fit und voll parat  
stoh am Marathon am Start  
i geibe alls, geibe alls, bi voll in Fahrt

i ha ne lange Schnuuf  
doch jetzt goht's chli duruuf  
es isch so heiss, mir lauft de Schweiss, i geibe uuf

*Po-Po-Po-Potential, Po-Po-Po-Potential - i bi so phänomenal*  
*Po-Po-Po-Potential, Po-Po-Po-Potential - i bi brutal genial*

es stimmt nid jede Ton  
ha Müeh mit em Xylophon  
i ha nid g'üebt, ha nid g'üebt, das isch de Lohn

sii's Solo isch so schnäll  
wie de Pfiil vom Wilhelm Tell  
doch s'goht nid uuf, s'goht nid uuf, a 'r gliiche Stell

Bass spiele isch nid schwär  
doch är tuet, als öb's das wär  
und de Schluss, und de Schluss - verpasst nur är

**mir fange nomal aa - ganz vo vore**  
**so wämmer's nid lo stoh - s'isch nüt verlore**  
**mir sind so genial und mir händ doch viel Po-Potential**